



ინფორმირებული და ძლიერი
საზოგადოება დემოკრატიული
მმართველობისთვის



მემორანდუმი თანამშრომლობის შესახებ

ერთი მხრივ, ააიპ “ინფორმაციის თავისუფლების განვითარების ინსტიტუტი” (შემდგომში - „ინსტიტუტი“), მისი აღმასრულებელი დირექტორის, გიორგი კლდიაშვილის სახით, და

მეორე მხრივ, „საქართველოს უნივერსიტეტი“ (შემდგომში „უნივერსიტეტი“), მისი რექტორის, კონსტანტინე თოფურიას სახით,

„ინსტიტუტი“ და „უნივერსიტეტი“ ინდივიდუალურად, ასევე მოხსენიებული, როგორც „მხარე“, ხოლო ერთობლივად, როგორც „მხარეები“, გამოხატავენ რა მზადყოფნას, მხარეებს შორის გააფორმონ „თანამშრომლობის შესახებ“ მემორანდუმი დეზინფორმაციასა და პროპაგანდასთან ბრძოლის თვალსაზრისით საზოგადოებრივი ცნობიერების ამაღლების მიზნით, და ხელი შეუწყონ საკითხის პრევენციასთან, რისკების იდენტიფიცირებასთან და ეფექტიან რეაგირებასთან დაკავშირებულ საკითხებზე სტუდენტების, სახელმწიფო, არასამთავრობო და ბიზნეს სექტორების წარმომადგენელთა ცოდნისა და უნარ-ჩვევების განვითარებას/გაღრმავებას, თანხმდებიან შემდეგზე:

მუხლი I. თანამშრომლობის ფარგლები

- 1.1. მემორანდუმი მიზნად ისახავს დეზინფორმაციასა და პროპაგანდასთან ბრძოლის შესახებ აკადემიური კურსების შემუშავებას და მის შეთავაზებას საქართველოს უნივერსიტეტის, სოციალურ მეცნიერებებათა სკოლის ფარგლებში (შემდგომში - აკადემიური კურსები). აკადემიური კურსების მიზანია სტუდენტები აღჭურვოს დეზინფორმაციასა და პროპაგანდასთან ბრძოლის მენეჯმენტის ცოდნით.
- 1.2. მემორანდუმი მიზნად ისახავს მოიწვიოს თითოეულ აკადემიურ კურსში სპეციალური კონკურსის შედეგად შერჩეული გარე კანდიდატები - სხვა უნივერსიტეტების სტუდენტთა, საჯარო მოხელეთა, ბიზნეს და არასამთავრობო სექტორების წარმომადგენელთა სახით - რომელთა რაოდენობა განსაზღვრულია მემორანდუმის მუხლებით.
- 1.3. მემორანდუმი მიზნად ისახავს მხარეთა შორის პარტნიორული ურთიერთობის განმტკიცებას დეზინფორმაციასა და პროპაგანდასთან ბრძოლის აკადემიური კურსების შექმნისა და განვითარების მიზნით. აკადემიურ კურსებში

მონაწილეობისა და დასწრების შესაძლებლობა ექნებათ ზემოხსენებულ, კონკურსის შედეგად შერჩეულ გარე-კანდიდატებსაც.

მუხლი II. ზოგადი დებულებები

- 2.1. მემორანდუმი ხელს შეუწყობს მხარეთა ურთიერთობის კოორდინაციას პროგრამით განსაზღვრული აქტივობების დაგეგმვის, მათი განხორციელებისა და შეფასების ეტაპებზე;
- 2.2. მხარეები იღებენ პასუხისმგებლობას იმოქმედონ მემორანდუმის პირობებისა და მემორანდუმის საფუძველზე გაფორმებული სხვა ხელშეკრულებების შესაბამისად;
- 2.3. მხარეები აცხადებენ მზადყოფნას ხელი შეუწყონ ერთმანეთს პროგრამით განსაზღვრული აქტივობების განხორციელების პროცესში, მათ შორის პერიოდული და თემატური კომუნიკაციის გზით.

მუხლი III. დეზინფორმაციასა და პროპაგანდასთან ბრძოლის აკადემიური კურსების განხორციელების თავისებურებები

მხარეები თანხმდებიან შემდეგზე:

- 3.1. აკადემიური კურსები შეიქმნება სოციალურ მეცნიერებათა სკოლისთვის.
- 3.2. სოციალურ მეცნიერებათა სკოლისთვის შეთავაზებული იქნება შემდეგი კურსები: „მედია, ინტერნეტი და დეზინფორმაცია“; „დეზინფორმაციის იდენტიფიცირება და კვლევა“; „პროპაგანდასა და დეზინფორმაციის ისტორია საბჭოთა კავშირიდან დღემდე“; „მეხსიერების პოლიტიკა და დეზინფორმაცია“. აგრეთვე, დამატებითი კურსები, რომლებზეც მხარეები შეთანხმდებიან.
- 3.4. აკადემიური კურსები სრულ შესაბამისობაშია შესაბამისი საფეხურებზე კურსების დამტკიცების შიდასაუნივერსიტეტო ხარისხის სტანდარტებთან.
- 3.5. პროგრამის თითოეულ აკადემიურ კურსში მონაწილეობას მიიღებს 50-მდე ადამიანი. თითოეულ აკადემიურ კურსში საქართველოს უნივერსიტეტის სოციალურ მეცნიერებათა სკოლის სტუდენტების რაოდენობა არ უნდა აღემატებოდეს 26 სტუდენტს. თითოეულ აკადემიურ კურსში სპეციალური კონკურსის შედეგად შერჩეული გარე კანდიდატების - სხვა უნივერსიტეტების სტუდენტთა, საჯარო მოხელეთა, ბიზნეს და არასამთავრობო სექტორების წარმომადგენელთა - რაოდენობა არ უნდა აღემატებოდეს 24 მონაწილეს.
- 3.6. საბაკალავრო კურსებზე შესაძლებელი იქნება სპეციალური კონკურსის შედეგად შერჩეული სხვა უნივერსიტეტების საბაკალავრო საფეხურის სტუდენტების მოწვევა.
- 3.7. საქართველოს უნივერსიტეტის სტუდენტები, რომლებიც აირჩევენ მემორანდუმით გათვალისწინებულ კურსებს სემესტრული ბადით გათვალისწინებული წესით, აღნიშნული კურსების წარმატებით (81-დან 100 ქულათა დიაპაზონი) გავლის შემთხვევაში კრედიტების (ECTS) მინიჭების გარდა, ასევე, მიიღებენ, მხარეთა მიერ გაცემულ, ერთობლივ სერტიფიკატს.

3.9. დეზინფორმაცია და პროპაგანდასთან ბრძოლის სასერტიფიკატო პროგრამის მონაწილეები, გარდა საქართველოს უნივერსიტეტის სოციალურ მეცნიერებათა სკოლის სტუდენტებისა, პროგრამის წარმატებით გავლის შემთხვევაში მიიღებენ მხარეთა მიერ გაცემულ ერთობლივ სერტიფიკატს.

3.10. პროგრამის მონაწილეებს მხარეები შეარჩევენ ერთობლივად, ერთობლივი განცხადების გამოქვეყნებისა და ღია, გამჭვირვალე და სამართლიანი შერჩევითი პროცესის განხორციელების გზით. მონაწილეების შერჩევაში მონაწილეობას მიიღებს სოციალურ მეცნიერებათა სკოლის შესაბამისი საფეხურის აკადემიური პერსონალი და ინფორმაციის თავისუფლების განვითარების ინსტიტუტის თანამშრომლები.

3.11. აღნიშნული აკადემიური კურსები ხორციელდება ორი სემესტრის განმავლობაში.

3.12. აკადემიური კურსები წარიმართება საქართველოს უნივერსიტეტში, დისტანციურ რეჟიმში ან შერეული სწავლის რეჟიმით ჯანდაცვის ორგანოების რეკომენდაციების გათვალისწინებით, ეპიდემიოლოგიური მდგომარეობის გართულების თავიდან ასაცილებლად და პანდემიიდან გამომდინარე ნორმატიური აქტებით დადგენილი სავალდებულოდ გასათვალისწინებელი რეგულაციების შესაბამისად.

მუხლი IV. მხარეთა შორის ურთიერთობები

4.1. მემორანდუმის განხორციელების პროცესში, ინსტიტუტი:

- უნივერსიტეტთან ერთად შეიმუშავებს აკადემიურ კურსებს უნივერსიტეტში არსებული შესაბამისი მოთხოვნებისა და სტანდარტების გათვალისწინებით;

- უზრუნველყოფს კურსის ეფექტიან ადმინისტრირებას კოორდინატორის გამოყოფის გზით, რომელიც აწარმოებს კომუნიკაციას უნივერსიტეტის საკონტაქტო პირთან, პროგრამის ლექტორებთან, პროგრამაში მონაწილეობის მსურველ კანდიდატებთან და პროგრამის მონაწილეებთან;

- უზრუნველყოფს პროგრამის შესახებ ინფორმაციის გავრცელებას საკუთარი შესაძლებლობების ფარგლებში;

- უზრუნველყოფს სასწავლო მასალის მომზადებას და ბეჭდვას;

- უზრუნველყოფს კურსის მონაწილეთა შერჩევის პროცესის ადმინისტრირებას საქართველოს უნივერსიტეტის აკადემიური პერსონალის ჩართულობით;

- შესაბამის სკოლასთან და პროგრამების ხელმძღვანელებთან ერთობლივი კოორდინაციით, უზრუნველყოფს კურსის ლექტორების შერჩევას და შემდგომ ამისა, მათი შრომის ანაზღაურებას;

- უზრუნველყოფს ერთობლივი სერტიფიკატის დამზადებას;

- უზრუნველყოფს მონაწილეთა სერტიფიკატებით დაჯილდოების ცერემონიის ორგანიზაციულ დეტალებს;

- უნივერსიტეტთან ერთად, დაჯილდოების შემდეგ განიხილავს პროგრამის განხორციელების შედეგებს, გამოავლენს პროგრამის სუსტ და ძლიერ მხარეებს, ასევე, განიხილავს გაგრძელების პერსპექტივას.

4.2. მემორანდუმის განხორციელების პროცესში, უნივერსიტეტი:

- ინსტიტუტთან ეფექტიანი ურთიერთობისთვის, გამოყოფს საკონტაქტო პირს, რომელთანაც კომუნიკაციას აწარმოებს პროექტის მენეჯერი, ძირითადად ლოგისტიკურ საკითხებთან დაკავშირებით;
- უზრუნველყოფს პროგრამის შესახებ ინფორმაციის გავრცელებას საკუთარი შესაძლებლობების ფარგლებში;
- უზრუნველყოფს შესაბამისი პროგრამის აკადემიური პერსონალის და საკონტაქტო პირის ჩართულობას კურსის მონაწილეთა შერჩევის პროცესში;
- უზიარებს ინსტიტუტს იმ ინფორმაციას, რომელიც საჭიროა პროგრამების ფარგლებში სასერტიფიკატო კურსების შესაქმნელად და შემდგომში დასამტკიცებლად;
- შესაბამისი ნორმატიული აქტების საფუძველზე, იმ შემთხვევაში თუ საგანმანათლებლო პროცესის წარმართვა ნებადართული იქნება ფიზიკური დასწრებით აუდიტორიებში ეპიდემიოლოგიური მდგომარეობის გათვალისწინებით, და ჯანდაცვის სახელმწიფო ორგანოების რეკომენდაციების შესაბამისად, გამოყოფს ინვენტარით აღჭურვილ სალექციო ოთახს, რომელიც არის კეთილმოწყობილი და რომელშიც დაეტევა 50 მონაწილე;
- პროგრამის გარე მონაწილეებისთვის უზრუნველყოფს წვდომას საგანმანათლებლო სივრცეზე (შენობაზე);
- მონაწილეთა სერტიფიკატებით დაჯილდოების ცერემონიისთვის გამოყოფს შესაბამის საუნევერსიტეტო სივრცეს და უზრუნველყოფს უნივერსიტეტის ხელმძღვანელობის მონაწილეობას;
- ინსტიტუტთან ერთად, დაჯილდოების შემდეგ განიხილავს პროგრამის განხორციელების შედეგებს, გამოავლენს პროგრამის სუსტ და ძლიერ მხარეებს, ასევე, განიხილავს გაგრძელების პერსპექტივას.

მუხლი V. მემორანდუმის ძალაში შესვლა და მოქმედების დასრულება

- 5.1. მემორანდუმი ძალაში შევა მხარეთა მიერ მისი ხელმოწერის მომენტიდან და დაასრულებს მოქმედებას 2022 წლის 30 ივნისს.
- 5.2. ნებისმიერი ცვლილება მემორანდუმის ტექსტში შეთანხმებული უნდა იყოს მხარეთა შორის და განხორციელდეს მხოლოდ მხარეთა მიერ ხელმოწერის შედეგად.

მუხლი VI. ზოგადი დებულებები

- 6.1. მხარეთა შორის წარმოშობილი გაურკვევლობების შემთხვევაში, რაც გულისხმობს ასევე მემორანდუმით გათვალისწინებული ვალდებულებების ნაწილობრივ ან სრულად შეუსრულებლობას, მხარეები მაქსიმალურად უნდა ეცადონ მოლაპარაკებების გზით მოაგვარონ არსებული გაურკვევლობები. მოლაპარაკებების შეუძლებლობის შემთხვევაში, მხარეები ვალდებული არიან სრულად შეასრულონ პროგრამის მონაწილეთა მიმართ ნაკისრი ვალდებულებები.
- 6.2. მემორანდუმი ხელმოწერილია თანაბარი იურიდიული ძალის მქონე ორ ეგზემპლარად ქართულ ენაზე, რომელიც ინახება მხარეებთან.

6.3. მემორანდუმის საფუძველზე წამოჭრილი ნებისმიერი დავა და უთანხმოება წყდება მოლაპარაკების გზით. იმ შემთხვევაში თუ დავა ვერ გადაწყდება საკითხის დასმიდან 30 კალენდარული დღის განმავლობაში, მხარე უფლებამოსილია მიმართოს სასამართლოს.

6.4. კორესპონდენცია მემორანდუმის განხორციელებასთან დაკავშირებით უნდა განხორციელდეს წერილობით, შემდეგ მისამართებზე:


ააიპ ინფორმაციის თავისუფლების განვითარების ინსტიტუტი
მისამართი: ტარას შევჩენკოს ქ. # 20, თბილისი, 0108, საქართველო

საქართველოს უნივერსიტეტი
მისამართი: 77ა, მ. კოსტავას ქუჩა, თბილისი, 0171, საქართველო

გიორგი კლდიაშვილი, აღმასრულებელი დირექტორი ააიპ ინფორმაციის თავისუფლების განვითარების ინსტიტუტი

ხელმოწერა  თარიღი 10.06.2021წ.

კონსტანტინე თოფურია, რექტორი „საქართველოს უნივერსიტეტი“

ხელმოწერა  თარიღი 10.06.2021